



31. august 2012

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

### **Naalakkersuisunut apeqquq**

**Naalakkersuisut ”orniguteqqusaannginneq, sumiiffimmi aalajangersimasumi uninngaqqusaannginneq qimagutitaasernerlu pillugit inatsit” Kalaallit Nunaanni atortus-sanngartinnissaanut isumartik allanngartikkamikku aamma pisaq pillugu siunnersuut Naalakkersuisut qaqugu saqqummiutilersaarpaat?**

(Inatsisartunut ilaasortaq Astrid Fleischer Rex, Demokraatit)

### **Tunngavilersuut:**

Naalakkersuisut ullualunnguit matuma siorna Inatsisartunut innuttaasunullu tamanut saqqummi-ussaat ”2013-miik 2016-mut persuttaasarneq pillugu pilersaarutaat iliuusissanullu Naalakkersuisut pilersaarutaat” soqutigalugu atuarpara. Suliniutissatut saqqummiussaat ilaat immikkut maluginiarpara tassaasoq iliuusissanut pilersaarummi immikkoortoq 19: Qimagutigaaarneq aamma orniguteqqusaannginneq.

Naalakkersuisut tamanna pillugu ima allapput:

*”Folketinget har i 2012 vedtaget en lov om tilhold og bortvisning, der sender et klart signal til voldsudøvere om, at partnervold ikke er acceptabel. Loven gør det muligt at gribe tidligere ind overfor volden, uden at den voldsramte og eventuelle børn skal fraflytte det fælles hjem. Tilhold og bortvisning styrker desuden de sociale myndigheders muligheder for at løse de sociale problemer i hjemmet. GPS-overvågning kan være en metode til at holde den voldelige partner under opsyn. Loven er ikke gældende i Grønland, men kan ved beslutning i Inatsisartut sættes i kraft for Grønland.”*

Nuannaajummerpunga, taanna atuarakku. Nuannerpoq, uangami parteeralu isumaqarpugut, maani nunami taamaattumik inatsiseqarnissaq pisariaqartoq. Nuannaajallappunga, parteeqatima Andreas Uldumip ukiup aallartisimalernerani Naalakkersuisut aperinikummagit, inatsisip pisama atulersinnissaa Naalakkersuisut qaqugu siunnersuutigissamaarneraat (§ 37 tunngavigalugu



apeqqut 2012-22). Qaammatit marluk sinnerlugit eqqarsareerlutik Naalakkersuisut akipput, Naalakkersuisut pilersaaruteqanngikkallartut pineqartumut tunngasumik saqqummiussinissaminut.

Tamanna tunngavigalugu kissaatigaara uppersarneqassasoq, ilumut Naalakkersuisut aalajangersimasut ”orniguteqqusaannginneq, sumiiffimmi aalajangersimasumi uninngaqqusaannginneq qimagutitaasernerlu pillugit inatsit” Kalaallit Nunaanni atortussanngortinneqarumaartoq, Demokraatit kaammattuisimanerattut.

Inatsit atorlugu angerlarsimaffimmi persuttaasoq sapaatip akunneri sisamat tikillugit iseqqusaajunnaarsinnaavoq. Malittarisassat assigusut atuutsinneqarput Østrigimi, Norgemi, Sverigemi aamma Finlandimi.

Arnanut persuttaasarneq nunami maani angisoorsuarmik ajornartorsiutaavoq. ”2011-mi inuusuttut inuunerat” misissuivigineqarmat paasinarsivoq misissuinermi peqataasut 15-nik 16-ninillu ukiullit 38 %-iisa anaanamik persuttarneqarnerannut isiginnaartuusimallutik. 20 %-t tamanna akuttunngitsumik misigisarpaat.

2011-mi politiit angerlarsimaffimmi perulluliortunut 2.836-nut ornigupput, taakku ilaani 444-ni angerlarsimaffiit perulluliorfiusut meerartaqarsimapput.

Kisitsisit paatsuugassaanngillat !

Arnanut persuttarneqartartorpassuarnut qimarnguiit annanniarfiusarput, illoqarfiilli tamarmik qimarngueqanngillat. Arfineq-marluinnaat qimarngueqarput ... Illoqarfinni qimarngueqanngitsuni inatsit atorlugu arnat sapaatip akunnimininnguani atukkamik siunissamillu eqqarsaatiginerani eqqissisimaartinneqarsinnaalissapput. Inatsimmi pineqarpoq, arnat persuttarneqarsimasut tassangaannartumillu ajornartorsiorluinnalersimasut eqqissisimatinnissaat anersaartorfissaqartinnissaallu aamma periarfissinneqarnissaat periarfissarititaasut iluanni ikiorneqarnissaminut.



Kisianni inatsimmi pineqanngilaq naapertuuttuliorneq. Ilumoorinnaanerpami, persuttartittoq – meeqqani ilagalugit ilaginagilluunniit – angerlarsimaffimmiik qimaguttariaqartarnera ajortumik pineqareernerup kingorna ? Persuttaasoq taannaanngilaq peersinneqartariaqartoq ? Demokraati-ni qularuteqanngilagut: Persuttaasup iliuutsini akisussaaffigisariaqarpai – taava pissusiluutimiiit aniguinissaanut ikiorneqarnissaa katsorsarneqarnissaalu inuiaqatigiit neqeroorutigisariaqarpat.

Nuannerpoq takullugu Naalakkersuisut isumaqataasut.